



Borgarráð

Reykjavík, 11. nóvember 2025

MSS21120238

**Stýrihópur um Evrópusamstarf um kolefnishlutlausar og snjallar borgir árið 2030
- uppfært erindisbréf**

Lagt er til að borgarráð samþykki uppfært erindisbréf á stýrihópi um Evrópusamstarf um kolefnishlutlausar og snjallar borgir árið 2030 þar sem Líf Magneudóttir er formaður.

Heiða Björg Hilmissdóttir
borgarstjóri

Hjálagt: Erindisbréf – Evrópusamstarf um kolefnishlutlausar og snjallar borgir árið 2030



Reykjavík



Reykjavík, 11. nóvember 2025

MSS21120238

ERINDISBRÉF

Evrópusamstarf um kolefnishlutlausar og snjallar borgir árið 2030

Ábyrgðaraðili: Borgarstjórinn í Reykjavík

Inngangur:

Reykjavíkurborg hefur hlotið þann heiður að verða valin til að taka þátt í Evrópusamstarfi um kolefnishlutlausar og snjallar borgir fyrir árið 2030. Markmið verkefnisins er að þátttökuborgirnar, 112 borgir, verði kolefnishlutlausar og snjallar árið 2030 og að þessar borgir verði miðstöðvar rannsókna og nýsköpunar til að gera öllum öðrum borgum í Evrópu kleift að verða kolefnishlutlausar og snjallar fyrir árið 2050. Með þátttökunni er gert ráð fyrir viðtæku samstarfi við Evrópusambandið, íslenska ríkið, önnur sveitarfélög, einkaaðila, félagasamtök og ítarlegt samráð við íbúa.

Evrópusamstarfið gengur út á að nauðsynlegt sé að mæta loftslagsvánni með aðgerðum á vettvangi borga og með því að virkja almenning með lýðræðislegum hætti, sem neytendur, framleiðendur, notendur og eigendur. Lagt er upp með að samstarf innan borga sé formgert með sérstökum Loftslagsborgarsamningi, sem aðlagður skuli að hverri borg fyrir sig. Leiðangurinn hvílir á grunni Græna sáttmála Evrópusambandsins þar sem rík áhersla er lögð á lýðræðislegt samráð og nýjar aðferðir við að stýra verkefnum innan borga.

Hlutverk:

Hlutverk stýrihópsins er að leiða stefnumótun varðandi þátttöku Reykjavíkurborgar í Evrópusamstarfi um kolefnishlutlausar og snjallar borgir árið 2030.

Helstu verkefni/viðfangsefni:

Verkefni	Tímarammi
Byggja upp viðtækt net um verkefnið til að tryggja framgang verkefnisins innan og utan borgarinnar, setur upp starfshóp og/eða undirhópa um afmörkuð verkefni innan borgarkerfisins og samráðshóp með ytri aðilum.	Haust 2022
Ákveða hvort sóst verði eftir því að verða Pilot City - alls 30 verkefni verða styrkt um 0,5 til 1,5 milljónir evra hvert	Skilgreina þarf verkefni og hóp í ágúst 2022. Kallið opnar 5. september 2022 og skil eru 4. nóvember 2022
Ákveða samþættingu við loftslagsyfirlýsingu Festu og Reykjavíkurborgar	Fyrir árlegan loftslagsfund sem haldinn verður í nóvember 2022.
Ákveða hvort tekið verði upp styttra og þjálfa nafn á verkefninu	Haust 2022



Reykjavík



Taka þátt í mótun loftlagssamnings og ákveða hvaða áskorun / verkefni verði útgangspunkturinn í samráði við ráðgjafa Evrópusambandsins.	Haust 2022
Endurskoða núverandi aðgerðaáætlun þar sem helstu aðgerðir (action portfolio) eru tengdar við fjárfestingaráætlun (investment plan)	Haust 2022
Skilgreina hvar bilið er stærst og hvaða fjármuni þarf til að loka því. Skilgreina hvert grunnviðmiðið er og skila því af okkur til ESB.	Veturinn 2022 - 2023 Skil þurfa að eiga sér stað um vorið 2023
Taka þátt í mótun loftslagssamning. Gert er ráð fyrir að loftlagssamningar taki frá 6 mánuðum til 2 ára	Markmið að klára fyrir lok árs 2023
Tryggja að mælingum á framvindu sé skilað reglulega	Fyrstu skil þurfa að eiga sér stað um vorið 2025 og síðan áfram til enda leiðangursins 2030
Eftirfylgni og þróun verkefnisins	Til loka kjörtímabilsins

Stýrihópurinn skipa:

Líf Magneudóttir, formaður, oddviti Vinstri grænna
Heiða Björg Hilmdóttir, borgarstjóri og oddviti Samfylkingarinnar
Dóra Björt Guðjónsdóttir, oddviti Pírata
Einar Þorsteinsson, oddviti Framsóknarflokksins
Hildur Björnsdóttir, oddviti Sjálfstæðisflokksins
Helga Þórðardóttir, oddviti Flokks fólksins
Sanna Magdalena Mörtudóttir, oddviti Sósíalistaflokksins
Þórdís Lóa Þórhallsdóttir, oddviti Viðreisnar

Starfsmaður/verkefnisstjóri starfshópsins:

Hrönn Hrafnisdóttir, umhverfis- og skipulagssvið

Til ráðgjafar og samstarfs:

Stýrihópurinn vinni hagsmunaaðilagreiningu sem síðan verði lögð til grundvallar því samráði og samstarfi sem þarf að hafa vegna vinnu hópsins. Stýrihópurinn leiti einnig ráðgjafar innan og utan borgarkerfis hjá aðilum með sérþekkingu á viðfangsefninu eftir því sem við á.

Starfstímabil og skil:

Stýrihópurinn starfar fram að lok kjörtímabilsins 2026 en tryggir framgang verkefnisins til ársins 2030.

Heiða Björg Hilmdóttir
Borgarstjóri



Reykjavík